

## HGB-2, 120

### [GURE AURREKO FRENTEA]

Gure aurreko frentea  
ezinaren gudariz  
hornituta dago.  
Ta gauza direnetan  
ta, ez izanik gauza,  
izatea daukaten  
makina bat zertan,  
alde guztietan,  
aurkituten dotaz;  
eta, kantatu nahi neukezan  
haietan, tristura aurkitzen dut  
ta, azkenez,  
gorrotoa deutset.  
Gorrotoa deutset  
haien izateari,  
haien izenei, haien  
haintasunari;  
ta ezpainak hetsiz  
mututasunez  
erantzuten deutset.  
Baina haiek  
                    ezpatak zorroa bezala  
barrutik ebagi  
naroe,  
ta amor emoten  
deutsedanetan  
kanpotik mazpildu.  
Hilteak ardurarik  
ez deutsanak legez  
jokatu behar nik,  
hala behar gaitzez.